

OBSCURI VIRI



Epistole Obscuroꝝ viroꝝ ad Magistrũ Druinũ
Bratiũ Dauentriensem Colonię latinę litteras pro
fitentẽ nõ ille qđ veteres et prius visa: sed et nouę et illis prioribꝫ
Elegantia argutis lepore ac venustate longe superiores.

Ad Lectorem.

Risum Heraclitę est: vassi ridere parati
Arida mutarũt pectora Stoicidę
Da mihi tristem animũ: ferales ob hęc luctus
Dispeream nisi mox omnia Risus erunt.
Exerce pulmonem.

32.

☉ *Ioannes Lucibularius**Stephano Calvastrio .S. D.*

Miserrime nobiscum aguntur omnia. multiplicasti gentem, sed non letitiam, obsunt nobis illi [(si rite rem ipsam pertrectare voluerimus)] et prosunt nihil. Non vult habere Capnion impudentes sycophantas [sui defensores. Quid multa? Ipse receptui canere iam pridem destinavi et meliorem agere virum. Valeant ludiones, lurchones, comedones, ventres, bibesii, cenipetes, flagricibes, predones, calumniatores, parasiti, gnatonos, flagriones, bucedes, plagipatides, furciferi, catilones, et id genus obscurorum omne]. Te igitur [illi omnes] dilanient, strangulent, obstringent, obliterent, et culter et venenum et incantatio vitam tuam, que est mors, acerbe finiant. Vale cum tuis ut potes. Moguntie ex domo nostri impressoris, penas sue temeritatis proculdubio daturi.

33.

☉ *Pultronus Murcida**Titivillo Corniculario .S.*

Non possum non dolere, non lachrymari, non mestus esse, ita nos excruciant viri boni et sapientes. de illis dumtaxat loquor, qui non sunt de nostro obscurorum grege. Et ideo

de grege non ausim quicquam deponere tecum.

☉ *Simplex plebecula, pueri quoque et mulieres, publico nos odio insequuntur. Clamitant enim in plateis 'huc huc veniunt obscuro Reuchliniste, non minus deo quam hominibus odibiles'. Iaciunt deinde in nos stercora. Quid multis? Canes nobis omnibus ultro non irritati adlatrant: nigris enim utimur larvis: nec id solum canes agunt, verum et viles caligas nostras et detrita vestimenta dilaniant. Vale Ex cella vinaria, ubi nobis dantur deorum responsa [et poetarum fabule a Baccho exponuntur].*

34.

☉ *Titivillus**Pultrono .S. P. D.*

Animam ago, mi charissime Murcida. Utinam essem cum Anchiade in Elysiis campis, et hec tam infelicia non audirem. Proh deum atque hominum fidem! quid hoc est si contumelia non est, aut potius dei plaga? Que tu scribis, intolerabilia mihi videntur. Gratias [etiam]

Capnion nobis agit nullas, quin potius Obscuris omnibus maledicit. Alii preterea nos sycophantas, alii noctis filios, alii nebulones, alii humanas bestias, alii monstrosa mancipia, alii canes rabidos, nonnulli hereticos, blasphemos et fetidissimam convitiarum sentinam appellant. Addunt quoque, nos solos obscuros cum Dathan et Abyron merito a terra absorbendos. Vale ex Argentina. et te his oblecta felicitatibus.

35.

☉ *Gerhardus Schirruglius**Ioanni Wickelphio .S. P. D.*

Mali sunt homines qui dicunt nobis male. quamvis enim neque deum timeamus neque homines, aliosque indigne leserimus, nihil tamen est quod contumelias perpetiamur. bellum hoc et lepidum. Verum hec alias. Grave mihi semper atque anceps dubium fuit, quare Colonienses theologi plus ceteris per Alemaniam florentibus superioristarum [(ut sic dicam)] errores corrigere nitantur, et in Suevum indignari, hominem nobis summa coniunctum necessitudine. Vale feliciter et cras responde. Ex Andernako [inter calices et pocula]. ||

36.

☉ *Wickelphius**suo Schirruglio .S. P. D.*

Non possum tibi Gordii nodum absque dolore interno et horrisonis ululatibus dissolvere. Nisi doctor essem in omnibus scientiis mundi, itemque si neque in Bohemia neque in Narragonia fuisset, ad tam difficilem ac plane tortuosam dubitationem respondere tibi nequaquam possem. Audivi nuper in ecclesia a quodam theologo, ad populum dei verbum habente, reverendum Inquisitorem Iacobum Hoechstraten tres sibi a sede apostolica archiepiscopatus commissos habere, Coloniensem, Moguntinam et Trevirensis, ut que mala sunt, ab ecclesia dei quamprimum revelat. Adiecit quoque Sixtum Papam quartum singulari quadam commissione per totam Alemaniam heresium extirpandarum munus theologis Coloniensibus commisisse. Quod ut luce clarius intueare, brevius illius exemplar tibi per Ljripipianum nostrum transmittito, ut immodice tecum lamenteris. Vale ex Madepurck, et penitentiam age quamprimum potes.

⁴⁵ Isai. IX. 2. ^{12.14} nostri impr.] Ieonis Schaeferi. ²¹ Verg. eel. 3, 32.

⁶ Pro et ... felicitatibus in 2. est: pdie kalendas Iouis.

²⁰ sunt 1. ibi comperit. 2.